

Decret general

La suprastanza cumünala dal Cumün da Zernez relascha, as basond sül art. 2, alinea 1 lit. e da l'uorden da survaglianza da video OSVis (VBÜ GR) dals 18 december 2018 ed art. 3a, alinea 1 lit. b da la ledscha chantunala davart la protecziun da datas LCPD (KDSG GR) dals 10 gün 2001 seguaint

Oget	Survaglianza da video culla pussibilità d'identifichar persunas;
Scopo/motivaziun	- sgürar l'uorden i'l extern ed intern dal local da ramassamaint d'immundizchas; - chastiar pechaders d'allontanamaint d'immundizchas; - impedir il depositar illegal dad immundizchas sco eir dad ulteriurs delicts grazcha a l'effet preventiv.
Lö survaglià	Extern ed intern dal chasin da ramassamaint d'immundizchas in vicinanza da la staziun a Zernez (no. 44A / parcelas no. 1 e 2) in Piazza da la staziun a Zernez;
Dürada	Survaglianza permanenta (di e not) a partir da la data cha l'uorden es gnü fat bun legalmaing;
Persunas cun dret d'invista	Scheffa da dicasteri, responsabel per l'infrastructura cumünala, chanzlist cumünal, responsabel ICT dal cumün e pulizia chantunala;
Sgürezza da las datas	Las registraziuns da video vegnan surscrittas davoman;
Deposit	Las registraziuns vegnan stüzzas il plü tard davo 90 dis;
Publicaziun	Il dispositiv da quist decret general es publichà i'l organ da publicaziun official seguond art. 5, alinea 1 VBÜ GR in cunvegentscha cun l'art. 3b, alinea 3 KDSG GR;
Proceder d'objecziun	Infra 30 dis daspö la publicaziun po gnir fat objecziuns cunter quist decret general basond sül art. 5 alinea 1 VBÜ GR in scrit ed argumantà pro'l Cumün da Zernez Suprastanza cumünala Urtatsch 147A 7530 Zernez.

Zernez, 22 avuost 2024

Cumün da Zernez

La suprastanza cumünala

Domenic Toutsch, president

Corsin Scandella, chanzlist